

फागणियो आयो रे | Tatsha Gupta

सब भक्तां पे रंग चढ्यो फागणियो आयो रे
ओ मन हर्षायो रे ओ श्याम बुलायो रे

जद जद फागण महीनो आवे, चाव घणो चढ जावे
श्याम धणी सु मिलबा खातिर, मन यो बडो ललचावे
रंग रंगीलो मेलो लागे आनंद छायायो रे
ओ मन हर्षायो रे ओ श्याम बुलायो रे

जयकारो की गूँज से गूँजे खाटू नगरी सारी
भीड़ बडी भक्तां की लागे दुनिया आई सारी
श्याम को मेलो है अलबेलो सबने भायो रे
ओ मन हर्षायो रे ओ श्याम बुलायो रे

चिंता सारी श्याम हरे वो फागण मेलो आवे
दर्शन करके सांवरिया का कीर्तन में रम जावे
राकेश जा का भाग जोड़ता श्याम ने पायो रे
ओ मन हर्षायो रे ओ श्याम बुलायो रे

<https://bhaktivandana.com/lyrics/%e0%a4%ab%e0%a4%be%e0%a4%97%e0%a4%a3%e0%a4%bf%e0%a4%af%e0%a5%8b-%e0%a4%86%e0%a4%af%e0%a5%8b-%e0%a4%b0%e0%a5%87-tatsha-gupta/>